

Director di Directie Natuur en Milieu:

Ora di otorga un tereno pa construccion ta tene cuenta cu su balor ecologico y cu ley di flora y fauna



ORANJESTAD (AAN): cu e proceso di dunamento di tereno y conservacion di naturaleza. El a indica cu DIP ta e departamento cu ta responsabel pa loke ta terenonan y

nan tin e responsabilidad pa e conservacion di e aspectonan ecologico di Aruba y den esaki ta traha hunto cu DNM.

Esnan cu kier desaroya un tereno, desde December aña pasa, a wordo publica cu tur hende mester un 'aanlegvergunning', kiernen un permiso pa por desaroya nan proyecto y hopi biaha esaki ta mara na un tereno y esey ta bay via DIP, Boekhoudt a indica.

DIP ta involucra DNM pa loke ta e parti ecologico. DNM ta wak e tereno (site visit) si tin bestia of matanan cu ta protegi segun ley (LB 2017). Mayoria ta relaciona cu e vegetacion cu ta presente pero tambe e besti-
anan cu tin den e area.

Esaki DNM ta pone ariba un mapa y ta duna recomendacion pero ta tene cuenta

tambe cu aspectonan cu no ta bibo manera un rooi. Si den e tereno of e lugar tin un rooi cu ta core of si tin barancanan grandi, un gulido of cueva tur esaki nan ta pone den e "field work".

E director di DNM a señala cu generalmente un tereno, ta un habitat y tin un funcion ecologico. Esey tambe DNM ta indica ora nan ta haci e analisis di e tereno. Teniendo cuenta cu e informacion ey, nan ta duna un recomendacion na DIP over di e balorman ecologico di tal tereno. Ora cu Gobierno ta designa un tereno pa bay haci verkavel, DIP ta puntra DNM pa haci e trabao aki. Asina e persona haya e tereno bao di su responsabilidad, e ta esun cu mester busca ontheffing pa ora di bay roza tene cuenta cu e balorman ecologico, a bisa.

Loke DNM ta recomenda DIP ora e balorman ecologico ta haltu pa yuda mantene esey y conserva e naturaleza ey. E naturaleza ta yuda den regula e clima door di e cantidad di vegetacion cu ta presente. Tambe unda tin rooi ta recomenda pa mantene e rooi den e bario na un manera mas ecologico posibel.

Tin un lista cu a wordo publica den e LB 2017, cual ta e lista di bestia y matanan protehi. Loke DNM ta promove como un 'check list' ta locual a wordo indica. Si tin rooi, si tin bestia, neishi, matanan protehi, barancanan, dam, tanki, entre otro. Gisbert Boekhoudt a laga sa cu ora ta haci algo contra ley, DIP ta e prome yama pa actua a base di e Landsbesluit di Flora y Fauna 2017.